

# KODEKS ETIKE

## Uvod

Cilj Kodeksa etike Instituta ima za svrhu da promovira etičku kulturu u profesiji interne revizije.

*Interna revizija je nezavisno, objektivno uvjeravanje i konsultanska aktivnost kreirana s ciljem dodavanja vrijednosti i unaprijeđenja poslovanja organizacije. Ona pomaže organizaciji da ostvari svoje ciljeve osiguravajući sistematičan, discipliniran pristup ocjeni i poboljšanju efikasnosti upravljanja rizikom, kontrolama i procesima upravljanja.*

Kodeks etike je neophodan i podesan za profesiju interne revizije, osnovane kao što jeste na povjerenju u njeno objektivno uvjeravanje o upravljanju rizikom, kontroli i upravljanju. Kodeks etike Instituta proteže se izvan definicije interne revizije uključujući dvije glavne komponente:

1. Principi koji su bitni za profesiju i praksu interne revizije;
2. Pravila ponašanja koja opisuju norme ponašanja koja se očekuju od internih revizora.

Ova pravila su pomoć u tumačenju Principa u praktičnoj primjeni i njihova je namjera da budu vodilje u etičkom ophođenju internih revizora.

Kodeks etike, zajedno sa *Okvirom profesionalne prakse* Instituta i drugim relevantnim deklaracijama, pruža upute internim revizorima koji služe drugima. "Interni revizori" se odnosi na članove Instituta, primatelje ili kandidate za profesionalnu certifikaciju Instituta internih revizora i na one koji pružaju usluge interne revizije unutar definicije interne revizije.

## Primjenjivost i provedba

Ovaj Kodeks etike se primjenjuje i na lica i subjekte koji pružaju usluge interne revizije.

Za članove Instituta i primatelje ili kandidate za profesionalnu certifikaciju Instituta internih revizora, kršenje Kodeksa etike će biti procjenjivano i rješavano prema Statutu i administrativnim smjernicama Instituta. Činjenica da određeno ponašanje nije spomenuto u Pravilima ponašanja ne znači da je ono prihvatljivo ili ne predstavlja diskreditovanje i stoga član, imatelj certifikata ili kandidat može biti podložan disciplinskoj mjeri.

## **Principi**

Od internih revizora se očekuje da primjenjuju i da se pridržavaju slijedećih principa:

### **Poštenje**

Poštenje internih revizora ustanovljava povjerenje i stoga pruža osnovu za povjerenje u njihov sud.

### **Objektivnost**

Interni revizori moraju pokazivati najveći nivo profesionalne objektivnosti u prikupljanju, ocjenjivanju i saopštavanju informacija o aktivnostima ili procesima koje su ispitivali.

Interni revizori trebaju pri procjenjivanju razmotriti sve relevantne činjenice, a pri stvaranju prosudbi ne smiju biti pod utjecajem svojih vlastitih interesa ili utjecajem drugih osoba.

### **Povjerljivost**

Interni revizori poštuju vrijednost i vlasništvo informacija koje prime i ne objavljuju informacije bez odgovarajućeg ovlaštenja osim ako ne postoji pravna ili profesionalna obaveza da to učine.

### **Kompetentnost**

Interni revizori moraju primjenjivati i trajno unapređivati znanje, vještine i iskustvo potrebno u pružanju usluga interne revizije.

## **Pravila ponašanja**

### **1. Poštenje**

Interni revizori će:

- 1.1 obavljati svoj posao pošteno, marljivo i odgovorno;
- 1.2 postupati u skladu sa zakonima i davati nalaze koje podrazumijevaju zakonski propisi i profesija,
- 1.3 neće svjesno učestvovati ni u kakvoj nezakonitoj radnji ili djelima koja su nečasna za profesiju interne revizije ili za organizaciju,
- 1.4 poštivati i doprinosti postizanju zakonitih i etičkih ciljeva organizacije

### **2. Objektivnost**

Interni revizori:

- 2.1 neće učestvovati ni u kojoj aktivnosti ili odnosu koje može narušiti ili za koje se može pretpostaviti da narušava njihovu nepristrasnu procjenu, uključujući i one aktivnosti ili odnose koji mogu biti protivni interesima organizacije.
- 2.2 neće prihvaćati poslove koji mogu narušiti ili za koje se može pretpostaviti da narušavaju njihove profesionalne prosudbe;

2.3 će objaviti sve značajne činjenice za koje mogu ustanoviti da bi, ako se ne objave, mogle iskriviti izvještavanje o aktivnostima koje se provjeravaju.

### **3. Povjerljivost**

Interni revizori:

3.1 će biti oprezni pri korištenju i zaštiti informacija koje saznaju u toku obavljanja svojih dužnosti;

3.2 se neće koristiti informacijama ni u kakvu osobnu korist niti na bilo koji drugi način koji bi bio protivan zakonu ili štetan za legitimne i etičke ciljeve organizacije.

### **4. Kompetentnost**

Interni revizori:

4.1 će se upustiti samo u pružanje onih usluga za koje imaju potrebno znanje, vještine i iskustvo.

4.2 će izvršavati usluge interne revizije u skladu sa *Međunarodnim standardima profesionalne prakse interne revizije*.

4.3 će trajno unapređivati svoje sposobnosti, kao i djelotvornost te kvalitet svojih usluga.

---

Usvojeno od strane IIA Upravnog Odbora, 17.06.2000.

Copyright © 2000 Institut internih revizora, 247 Maitland Avenue, Altamonte Springs, Florida 32701-4201

Dozvola se daje za dupliciranje i prevod ovog Kodeksa uzevši u obzir da nikakve suštinske izmjene nisu učinjene.

Copyright © 2004<sup>[1]</sup> by The Institute of Internal Auditors, 247 Maitland Avenue, Altamonte Springs, Florida 32701-4201, USA. All rights reserved.

Odobrenje je dobiveno od vlasnika autorskog prava, Instituta internih revizora, 247 Maitland Avenue, Altamonte Springs, Florida 32701-4201, Sjedinjene Američke Države, da se objavi ovaj prijevod, koji je isti u svim materijalnim gledištima kao original, osim u slučaju kada su izmjene odobrene. Nijedan dio ovog dokumenta se ne smije umnožavati, pohranjivati u bilo koju vrstu sistema za pretraživanje, prenositi u bilo kojoj formi ili elektronskim i mehaničkim načinom, putem fotokopiranja, snimanja ili na neki drugi način bez prethodne dozvole od strane IIA, INC.

---